

SAN ZVAN

Gh'andäva a messa quand jera puten

e l' colon'ni, älti, älti e grosi

m'pareva chi rivisson fina in ciel.

Lassù in t'la cuppla, che 'l campaner

Illuminäva in ti giorn' ad festa,

al Sgnor al voläva in mez a dodd'z omas

tutt fort, robust e da la bärba longa.

Jeron sedu in simma a dil nuvlen'ni

che di angiolen picen sburläva su

e i guardev'n al Sgnor con i oc' tutt lustor

chi parev'n implorär <abbi pietà>.

Lasò, San Zvan in t'la lunetä

giovvon e blen e con la vesta rossa,

al scriveva sempor, tut al dì.

A son torné a San Zvan in chi di chi:

j omas jen sempor là, un po' pu vec;

San Zvanen al m'ha vist el m'ha sorrìs:

<Jeron di an – al m'ha dit – ca ne te vdeva>

e po' l'ha scrit in tal so gran libras.

Intant i frä jan comincé a cantär

E mi son scapé via immagoné.